

達齊澤旁流教已往之愆尤開自新之軌路
九玄七祖釋注訟以昇形六甲三元保胎真
而固本庶獲寧馨之子率歸仁壽之鄉次願
十方仙童玉女接侍蘭烟傳日向來所啓之
誠速達徑御

太上無極大道

昊天玉皇上帝御前

出堂頌 出戶

道門科範大全集卷之二十七

道門科範大全集卷之二十八

祈嗣大醮儀

晚朝行道

法事陞壇如式

各禮師存念如法

宣衛靈呪

五星高耀 瑞氣飛浮 元始集神 天地交周

玉符寶節 嘯命微幽 擲火揚威 奸凶無留

萬魔振伏 紛葩却消 摧怪滅惡 道炁周流

神光照夜 陰翳俱收 萬神降格 扇景東威

羣生成遂 惠遍神州 與道合真

鳴法鼓二十四通

無上三天玄元始三炁太上道君太上老君

召出巨身中三五功曹左右官使者左右捧

香驪龍騎吏侍香金童傳言散花玉女五帝

直符直日香官各三十六人出出者嚴裝顯

服冠帶垂纓闔啓玄壇土地方域神真巨今

靜夜行道謹奏為入意其諸忱悃已錄告聞

願得 太上十方至真道炁靈寶瑞光下降流入

身中令巨所啓速達徑御

至真無極大道

昊天玉皇上帝御前

請稱法位

具位 某與臨壇官眾謹同誠上啓

虛无自然元始天尊玉晨大道靈寶天尊萬

天教主道德天尊昊天至尊玉皇上帝句陳

星宮天皇大帝中天星主紫微北極大帝承

天效法后土皇地祇神霄真王長生大帝東

極注生青華大帝九天應元雷聲普化天尊

九天雷祖大帝上清紫微碧玉宮太一天

帝六天洞淵大帝六波天主帝君九天好生

可韓司丈人天尊九天採訪應元保運真君

九天上帝三十二天上帝五老上帝東華木

公道君西靈金母元君日宮太陽帝君月府

太陰皇君五方五德星君二十八宿星君北

斗七元上帝真君南斗六司上生真君五福

十神太一真君上清四餘四曜星君天曹諸

司真君三元三官大帝泰玄樞機三省諸相

天君玄中大法師真君三天大法師真君北

極法主四聖真君上清雷霆院使真君雷霆
九司列職真君九天注生監生真君九天司
祿梓潼帝君九天衛房聖母元君本靖諸省
府院司經錄法部主宰真君三天門下三元
真君上章詞表靈官五嶽聖帝洞天福地靖

廬治化仙官本靖祖玄真師列位真人經籍
度列位真人北陰酆都大帝扶桑丹林大帝
三河四瀆五湖四海龍王名山大川真宰九
天金闕玉闕靈濟洪恩二位真君風雲雷雨
部威烈聖衆城隍里社廟貌一切真靈臣聞
碧落浮黎受六甲保胎之品紫陽玉笈開九
天生神之章皆百靈隱韻之音結三洞飛玄
之氣說之八遍則婦人懷妊鳥獸含胎讀之
九過則萬靈唱恭司命敬諾皆太上廣好生
之德勅元陽開大有之民使民知道以知身
莫不有宗而有本願惟後學希慕神仙非此
文則生氣無津九戶閉塞得此經則胎神明
注三宮煥騰錫氣布年超凡入聖實脩行之
徑路爲得道之階梯不但女子可以奉行亦
使形神不相遠離等受任之日濟度存心

夙佩靈章許傳齋範既晨興而蠲潔又夕惕
以薰修遵上天俯仰之儀奉金錄告盟之格
憫凡心之有禱望霄漢以投詞爰有心誠謹
當宣奏

宣詞

按如詞旨備竭丹衷仰冀玄恩洞回洪造竊
以欽崇大道每勤精一之誠激切卑情不避
再三之瀆惟人處世在胎曰身本出一源遂
分六用目視五色耳聽五音鼻以別香舌惟
了味或運臂而使指或布武而駭奔惟一點
之靈光乃化工之成就如挺埴器運鈞軸以
陶成譬木偶人發機關而後用矧居人道實
有司存炳蘭炷於夜分振雲鏃於天表駐九
龍之寶駕舞三疊之胎仙伏願迂景俯臨分
禪下盼主世生道降沖氣以爲和有玉嬰兒
庶無中之養就更希餘祉溥及含靈以令靜
夜行道請法衆等運茲初捻上香
願此香雲騰空上徹供養
十方無上道寶天尊等皈身皈神皈命首
體投地以是捻香功德上祝

當今皇帝陛下宗維磐石治格垂裳朱芾斯
皇保君王於家室皇建有極欽時福於庶民
盈升可比於椒聊信厚不殊於麟趾俾萬有
歲常聞萬嶽之吟則百斯男允協華封之祝
今故燒香自歸依

道尊大聖衆至真之德得道之後保天長存
和與道合真
以令靜夜行道請法衆等運茲二捻上香
願此香雲騰空供養
十方無上經寶天尊等皈身皈神皈命首
體投地以是捻香功德歸流某家億曾萬祖
異形於劫切之臺百子千孫備順於太和之
世發明道眼落滅惡根五臟華敷三宮寧靜
天人爲子保胎息於玄牝之根元氣降身納
戊己於精神之府今故燒香自歸依
經尊大聖衆至真之德得道之後永保長存
和與道合真
以令靜夜行道請法衆等運茲三捻上香
願此香雲騰空供養
十方無上師寶天尊等皈身皈神皈命首

體投地以是捨香功德歸流某徧良緣於三界無物不周散善果於十方有形皆度于戈止息美夏率從疫癘不興休祥皆至臣等師資善友皆證果以昇形翊衛神靈率言功而進職時頌符命普及幽明沐此勝因俱登道岸今故燒香自歸依師尊大聖眾至真之德得道之後永天長存和與道合真

唱方 懺方 三啓 三禮

重稱法位

具位臣某與臨壇官眾謹同誠上啓
 金闕至尊三清上帝昊天玉皇上帝三界應感一切真靈臣聞天道貴生妙門普度上無復祖號碧落為種民之天近取諸身分元始居泥丸之上五行共稟七政同科故道生一一生二二生三三生萬物為胎命流布之源而人法地地法天天法道法自然為形相範圍之本凡夫性命皆憑道生一切聖賢盡出胎育是以一身之內嬰兒媿女法象陰陽無英白元間隔金木珠凝氣液有五行顛倒

之機火運金精藏三田反復之義修之者可混合於百神悟之者可超凌於三界有人於此以道為宗非惟後嗣之可求抑亦聖胎之成就臣等質穢氣濁功淺行微仰對靈心虔依上善惟堅誠懇懇庶獲感通今者醮官某妙

蘊心香離諸疑網乘愆蹈咎恥作備於禍根修德反身戒探湯於惡果皈依紫極叩玄關內竭丹衷仰干洪造伏願玉京三境金闕高真保胎神王長生大聖鑒其誠悃錫以湛恩勅五帝三官及四司九府齋持符命開度

存亡燭以神光達之天府七先九祖俱蒙鍊質之功四友三師各證無為之果消罪名於北府注生籍於南宮懷赤子以注心制魔王而保舉出入無疾升一陽於來復之初聲氣相求備三索於純乾之體然後諸塵漏盡六度功圓俾鍊氣以成形即長生而久視上明天尊大慈之澤下副臣等皈命之誠謹啓以聞

十二願

復壇

香官使者左右龍虎君侍香諸靈官當令臣向來靜夜行道之所自然生金液丹碧芝英百靈眾真交會在此香火爐前當願十方仙童玉女接侍蘭烟傳臣向來所啓速達徑御至真無極大道

昊天玉皇上帝御前

出堂頌 出戶

道門科範大金集卷之二十八